

~~_____~~

Senatusconfulti Claudiani, quod a CLAUDIO Imperatore, ad cuius orationem factum est, non a PALLANTE, eiusdem repertore, vt quidam perperam putarunt, nomen traxit ^(a), praeter iuris conditores, in primis meminit TACITVS ^(b). De cuius quidem verbis cum admodum inter se pugnantes sint doctorum virorum sententiae, ea, vti hodie vulgo leguntur, hic adscribere & curatius considerare non pigebit. Sunt autem haec: *Inter quae refertur ad patres de poena f. minarum, quae seruis coniungerentur: statuiturque, vt ignaro domino ad id prolapsae, in seruitute; si consensisset, pro libertis haberentur.* Ita fere diuinauerat olim RHENANVS, cui coniecturae, a LIPSIO e Codice Farnesiano confirmatae, fauere optimos libros, testes sunt locupletissimi IAC. GRONOVIVS & ERNESTI ^(c). Quae ubi primum proposita esset lectio, statim inuenit & inter Jurisconsultos, qui eam reciperent vniceque veram esse, agmine veluti facto, iurarent, inter quos iam nominibus suis suspiciendos deprehendimus

A 3

mus

^(a) Vid LIPSIVS ad TACIT. *Annal.* XII, 53. & EVER. OTTO, ad §. 1. l. de success. sublat.

^(b) TACITVS d. l.

^(c) Ad laudatum TACITI locum,